


www.BibleForChildren.org

Matheewo 26




Jeacuu awahn
geen Bathany
maano e adoohng
nihn abiihjbeciel unahge
cahng Yaan Amono. Laajoruj
ngaa anaa atahng Jeacuue
ucahre yi thoo ngo abeed
Bathany. Maa abeehn
Maarya ukaabe udhooammo
me yea ne mow me ngwaahy me
ngiene teeg keter uwiihre tien
Jeacuu kedea uwuunye tien ngo keehd yiehj wiihe.
Maa abeehn mowe upaahnge yea wod ke ngwahje.




Dhaano acielo kiin joe ge apaar wonge ariow, me nyinge cuohn ne Juudo a'aay ucea bang jo doong yaa lam ne luom Jeacuu yihr gen. E cwihny yaa ni ake mihno naa alihng gene kwaad rob nu. Gihn nu e ngo arob gene yihr Juudo kejea ngo umuoj gene ke ngiihny me thoohdh nea Jeacuu luome luomo. Kaano e Juudo athubo kecej dhe yooh me kahle gen bang Jeacuu beere ngo mag gene mago.



Jo waahdh ge acidho muon ugwiir
gene cam wa kaa arob Jeacuue
yihir gen. Kaano acahm gene cahmo,
e Jeacuu amono akaabe batiene naa
adooje ngo e ngo abanye maa acube
ngo yihir jo waahdh e urubo kea,
"Kaabu ngo kedea camu ngo. Gihn ni
beehda kuohma."



Keehdo e kubaayo me yea ne
koongo akaabe batiene naa
amuohje koohr Juog e ngo acube
yihhr jo waahdh e urubo kea,
"Maadhu ngo wu ke karu cang,
bang gihn gihn ni beehda rema. Rem
nweehd won ge awoj piny ke nying
nyoge me thoohdh ke nying wii
adhemuohme piny."



"Cimoan! Atiihb ukeehg wu anaa adaahde beere wu nea kuoro wa gihr ngaa me kuor beel? Abea Juog akwaya ke nyingi yih Cimoan, udoohngi teeg ubahnge yiiho gihri yea be duoge caahn. Nea cwihnyi aduui banga kea na cahg cwihny yaai ke ciihmo keehdo udoohng cwihny gene teeg thiow!"




Gihn nu e ngo abeehr Piihtere beehro yih Jeacuu kobe, "Ruohdh nea beehda kaa ngo, kea a daahde thiow udhiila cidho keehd yihn yi karkoohn wale nea gihn ngo beehda naahg kejea yih ke naah e a dhiil kaa naah thiow uthowa keehd yihn tiehd." E gihn nu acahg Jeacuue kaa duogo yih Piihter kobe, "Piihter, adiehr e ne roba yihri. Tihn noon ni yi dewaahy tihn maano e uthuonjieno poohd kuu akoohg e yih ukweer ke an tiel adahg kejea a kwihyi."



Kaano e Jeacuu a'aay
keehd jo waahdhe ucea
ka me cuohn ne
Gedhceama. Naa
awahdh gene kaa ngo e
Jeacuu ake rubo yihri jo
waahdhe kea, "Piihu kan
ne koar, a bar ne kwaj
wong maalo ke me cahng
kan." Maa arube kea, "Abaa
Wura! Giih nyepinye cang ge
yoohd yihri. Nea kare nud kea
kaab raahm gihn ni beehn
riha. Abea keehd maano, e
keá yugi wa ka daahda abea
yug ngo wa kar cwihnyi."




Jo doong yaa lam kedeá Paarijea acaakere acub gene yih Juudo me caahdh keehde. Noono maa abeehn gene kaa ane Jeacuue yea e ge kaahn redhe muu uliel kedeá toong maa belunge. Kaano e dhaano acielo kiin gen pahle ayuohdhe ke oogo ungoe yih kwiihj gihr ubaahng me tiihyo paar ngaa duohng yaa lam. Yih ngo angole piny ne thihb. Jeacuu ake rubo yihre kobe, "Athum! Kwaad gihr nu keá tiihj keehdo." Batiene maa agweele yihy nyin atoohng ni, uthiehdhe ngo ke wong kaano.




Batiene arumo e Jeacuu akaab gene kaabo maa
abeehn gene keehd ngo paar ngaan duohng yaa lam
giih kweehr e Piihter ake cidho thiow e ge
buodhe kaa nye ka me
lied mee. Abea naa
a'ahb maaj yi diehr kala.
Kedea ubeehn nyoge
upiih gene ne oohyo
e Piihter ree
amade ke bang
gen ne oohyo
thiow.



E dhaano acielo kiin kadaahme giih ngad duohng yaa lam ngo anudo kaano. Ngo anahg waahde keehd ngaan yihdhe anaa angol Piihtere oogo ke pala. Noono maa anyoadhe wong Piihter kobe, "Yih anaa aniida yi puohdho gihr ulihbe keehd Jeacuu tiehd." Maa acahg Piihtere ngo ke jaahyo kea, "Bekihde!" Kede a ke wong kaano e uthuonjieno ake thubo ke koohg. Maa athub Piihtere ke lalo ke keej yej naa angeye deeh awuohj gihn atiihye.




Batiene e amahr dhaano utaahngo
gihn anaa amahdo a'aj maalo ukahl
gene Jeacuu nyum Pilaato ge
muudiihr. Batiene e Pilaato Jeacuu
apeehnye peehnyo kobe,
"Yih naa Ruohdh gihr
yaa Judea ne?"
Maa abeehr Jeacuue
ngo yihr Pilaato kobe,
"Yih naa arob ngo ke dhii!"



Batiene keehdo e Pilaato acahg rob
keehd nyoge, mare ngahde kejea
gihre ulihng gene ulunye Jeacuu
oogo ubahngge be nahg. Abea ka
gahng. Nyoge acahg
kwaago keehdo e ge
urubo kob gene,
"Meehg nyin naah yihr
wan ke dhe yooohn gure
wiih yaadh maa ariihw!"




Maa abeehn Pilaate ucube ngo yihr
acaakere giih Roama bang uci gene
ngo ne gur rih yaadh. Batiene e
acaakere Jeacuu akool gene ke oogo,
yi diehr yi geew maano e bien yaadh
gihre ge ucea ne gur rih ngo.



Kedea ubeehne ne wahnh ka me cuohn
ne Golgotha Maa agur gene ngo rih
yaadh kedea ugur gene nyoge ariow
buude kun ke kun kedea
Jeacuu nii diehr
kiin gen.



Kaano maa abeehn deeh muudho umoale wiih paajo piny cang ne cihdh cihdhi. Naa athube e cahng nii diehr wihj uwahdhe kaa alaahng cahnge e gihn me neehn tooro bang gihn cahng kuu anaa ke lier. Kaano e waaro gihn anaa apaahng kur Dhe Wod ke kur Dhe Tiel yi Wod Juog, yea ayiej ree piny ne dahg naa ariow. Kaano e Jeacuu amaahr piny ke lalo e duone atihnge maalo keter kobe, "Abaa! Wahya ge awiia yi cingi." Naa arobe gihn ni e ake thoo.



Ngaa me nyinge Jocebe anudo,
ngad geen Arihmathea kedea ngo
anahg ngaa me duohng kiin
yaa akuud gihr yaa Judea.

Jocebe anahg ngaa maa
ayiih ngo ke coon
kejea Jeacuu Juog
e naa aoohr ngo ne
Ngad Boadh nyoge
gihn koar kejea

ngo ubeehn.

Naa aniid Jocebe ngo
kejea adoohng ka me
thub cahng Cabadhe e
cwihtnye adeede maa
acea paar Pilaato beere
kuohm Jeacuu ke cub
yihre ne koanyo e piny
poohd kuu ayuudho.



Maa abeehn Jocebe, ungeewe waaro,
gihn me bahye kuohm Jeacuu
keehde maa akahle kuohme
oogo ngahy yaadh anaa
agure yea. Ubahje kuohm
ngo ke waaro kedea
ucea ne kan ngo yi
buur maa akoany
coon ne liel

batiene e deeh leelo
aloohre dhe wod.



Ruwow ge aruu piny ke batien cahng
gwiihro gihr Cabadh,
e jo doong yaa lam maa
Paarijea ge aci bang
Pilaato. Maa arub gene
yihr ngo kejea,
"Muudiihr!"



"Ngad toohd gihn ni ge anaa apoohde
e kuow ngona urubo kea, 'A ucahr
batien nihn adahg.' Maa
acidh gene kedea ukoar
gene liel piny, maa ucub
gene leelo dhe wod
beer mee kedea
acaakere me koar
kaano piny."




Cahng ni, kaa akaahg piny batien
cahng Cabadh e beehda cahng
umodho gihri beriown nihn,
e Maarya Madaleana
kede Maarya moogo
ge amool uliel.



Abea thiin kan e piny ree ayahnge
yahngo cang, bang gihn wuohnjuog
abeehno ne dhihl ke yoohn
Paar Maalo ungeehle leelo
gihn anaa acub dhe liel
oogo upiie wiih ngo.

Yaa anaa acub wiih
liel ne koar ge ataal
lwahre maalo
udoohng gene

wa nyoge
maa athow.



Naa awahnh maahn giihe kar ge
ariow e wuohnjuog ake rubo
yihr gen kea, "Wu keá tudo.
Ngahya kejea wu abeehn
ne maany kuohm
Jeacuu Ngad Boadh
nyoge e anaa agur
ngahy yaadh
maa ariihw."




"Jeacuu ngo tooro kan. Ngo ameehg
Juoge cahro wa kaa anaa
ateede ngo yihru coon
umodho kejea e ucahr
batien nihn adahg.
Beehnu umaanyu kaa
anaa apiehle yea!"




Ke nye wong kaano, e ge Maarya ngahdh
gen ayal gene yalo ke ngweej ne do ne
toohn jo waahdh, e nye lwahr
poohd nii yihdh gen, keehd maa
anaa amed cwihny gene keter
ke nying cahro gihr Jeacuu.



Abea nye kaano e Jeacuu anaa Iwaahd bang gen urube kea, "Maahdhu rihu ya." Noono ubar gene bang Jeacuu urung gene cung gen piny ne ciim tiene kedea upuoj gene ngo keraahyo.






Batiene arumo e ree abeehne ne nyoadho yihr joe ge
apaar wonge acielo, maano e ge piih ne cam. Maa
ataahnye yi nying gen, bang gihn kuu ayiih gene naa
arobe kejea ngo acahr ke batien thoo.

Batien kaa arub Jeacuu Ruohdhe keehd gen, e ngo
atihng Juoge ke maalo ne ci ne beehdo yi ruohdh
Paare kedea upiie wiih koom ruohdh ukwiihy Juog.



Juog yaa wiih piny ge anhyaare wa ka
nhyaar wuro nyethene. E naa gihn
abeehn Juoge uohre waahde wiih
piny, beere kwaad ngaa yiih lum
waahde ngo be dog thoo
bang gihn boadh wahy me
guge tooro ngo
yoade
yoado.



Roama 3:23

Bang gihn ge cang adhemuohme ayug gene kedea udaahg gene Paar Juog.

Roama 6:23

Kaano arumo, ngaa beehdo yi adhemuohm gihn yoade beehda thoo. Abea ngaa ayiiho meehg Juoge ke yoad kuowo me guge tooro ke dhe yoohn kaa anweehdu ke Ruohdho Jeacuu Kriihjto. Kuowo gihn ngo yoado ke bang muuny Juog ge cube yihro ke kar wiihe maa atage.

Judea 9:27

Keehd dhaano utaahngo e thoo beehn ree ke ne cielo cog batiene e caa nyum Juog yi lug.



Epicoj 2:8,9

Bang gihn muuny Juog e naa aboadh wun naa ayiihu, gihn moogo tooro maa aboadh wun. Padh gihn maa a'aay ke bangu e naa aboadh wun abea beehda muuny Juog cog en naa aboadh wun. Caahn e keá ngaa beel kejea yihre ne gihre maa ayuge ne boadh wahye.

Roama 10:9,10

Nea ngo arobi ke dhii kejea Jeacuu beehda Ruohdho kedea uyiihi ngo ke cwihnyi cang kejea ngo ameehg Juoge cahro naa athowe e boadh wahy yoadi yoado. Bang gihn, yiiho e ne meehg dhaano doohng naa abiohgrwaal ke Juog kedea nea arob dhaane ke dheer kejea Jeacuu beehda Ruohdh uyiihe ngo e ne meehg dhaano yoad boadh wahy.



Joon 3:16,17

Juog yaa wiih piny ge anhyaare wa ka nhyaar wuro nyethene. E naa gihn abeehn Juoge uohre waahde wiih piny, beere kwaad ngaa yiih lum waahde ngo be dog thoo bang gihn boadh wahy me guge tooro ngo yoade yoado. Juog waahde keá oohr wiih piny ne kihm nyoge ke gihn me raaj, abea ngo aohre beere nyoge boadhe boadho.

1 Joon 5:11-13

Cwihnyo be diiw ke nying gihn maa arob Juoge bang gihn kuowo me ne cohg acube yihro. Kuowo me yoad ke bang Waahd Juog. Noono arumo e ngaa anweehd ke Waahd Juog kuowo gihn nu ayoade. Abea ngaa kuu anweehd ke Waahd Juog, kuowo gihn nu tooro yihre. Giih ni ge agweeda ke yihru wu jo yiiho kejea Jeacuu beehda Waahd Juog. Ge agweeda yihru beere cwihnyu be diiw ke nying kuowo me ne cohg ge ne yihru.



Matheewo 26-28; Luka 22-24; Joon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Luwo NT (lwo) © 2003, Wycliffe Bible Translators Inc.
All rights reserved.

<https://live.bible.is/bible/LWOWBT/MAT/1>

©2026 Bible for Children, Inc.

www.M1914.org

www.bibleforchildren.org

